

# საპატრიარქოს წყობანი



საქართველოს  
საპატრიარქოს  
პრესცენტრის  
ყოველკვირეული  
გამოცემა

№5  
915

7-13 თებერვალი 2019 წ. გამოიცემა 1999 წლის 8 იანვრიდან  
ფასი 70 თეთრი



„ბედნიერია ერი, უფალო, რომელმაც იყის გალოზა შენი“

- ✠ ქრონიკა. ინფორმაცია.
- ✠ ზაქას კვირიაკე
- ✠ ათონელი მოღვაწის,  
ღირსი ჰორჟირი  
კავსოკალივილის  
ცხოვრებიდან
- ✠ რას გვიქადის „ახალი რეალობა“,  
როგორია მისი  
არსი?!

ისტორიის პერიოდიზაცია

- ✠ ახალგაზრდა მეცნიერთა  
კლუბის დონისკიება ახალი  
საქართველოს უნივერსიტეტში
- ✠ დეკანოზი ბენიამინ კონტრიკა  
1870-1939
- ✠ „ეს დღე უნდა გახდეს  
ქართული ბალოგის  
სადიდებელი დღე, ეს უნდა იყოს  
მთელი საქართველოს  
დღესასწაული“



✠ ქართული  
ფილოსოფიის

# ახალგაზრდა მეცნიერთა კლუბის ღონისძიება ახალი საქართველოს უნივერსიტეტში

2019 წლის 1 თებერვალს, ახალი საქართველოს უნივერსიტეტში, ახალგაზრდა მეცნიერთა კლუბის სამეცნიერო სექციის - „კავკასიური ფილოსოფიის პრობლემები“ (ხელმძღვანელი: პროფ. ლალი ზაქარაძე) - ფარგლებში, გაიმართა მორიგი კონფერენცია თემაზე: „კავკასიური ფილოსოფია გვიანი ანტიკურობის ხანასა და შუა საუკუნეებში“. კონფერენციაში მონაწილეობა მიიღეს ახალი საქართველოს უნივერსიტეტის სამაგისტრო და სადოქტორო პროგრამების სტუდენტებმა. კონფერენცია გახსნა ახალი საქართველოს უნივერსიტეტის კავკასიური ფილოსოფიისა და თეოლოგიის სამეცნიერო-კვლევითი არქივის კავკასიური ფილოსოფიის განყოფილების გამგემ, პროფ. ლალი ზაქარაძემ. წარმოდგენილი მოხსენებები ეხებოდა მრავალეთნიკური კავკასიის ფილოსოფიური სპექტრის მნიშვნელოვან წარმომადგენელთა მემკვიდრეობას. კონფერენციის მეტად საინტერესო ნაწილი გახლდათ მონოფიზიტური ერესის განხილვა და მსჯელობა ქართულ-სომხურ საეკლესიო ურთიერთობებზე ადრეულ შუა საუკუნეებში. ეს საკითხები არსენ კათალიკოსის ტექსტებზე დაყრდნობით იქნა განხილული. გარდა ამისა, დიდი ინტერესი დაიმსახურა მნიშვნელოვანი ქრისტიანი მოაზროვნის - თეოდორე აბუკურას - შემოქმედების კავკასიის სივრცეში ინტეგრირების ასპექტებმა. განსაკუთრებული ყურადღება მიიპყრო არქიმანდრიტ დიონისე გვიმრაძის მოხსენებამ, რომელიც ალექსანდრიული სკოლის წარმომადგენლის - დავით ანჰალთის - ვინაობას ეხებოდა. საინტერესოა, რომ მოხსენებაში ის თეორიები იყო განხილული, სადაც ალექსანდრიელი ფილოსოფოსის ასურელ მამებთან, კონკრეტულად კი, დავით გარეჯელთან დაკავშირება ხდება. კონფერენციაზე ასევე წარმოდგენილ იქნა

მოხსენება კავკასიაში ისლამური ფილოსოფიის, კერძოდ კი, მისი სუფისტური მიმდინარეობის შესახებ. მოხსენებებს თან ახლდა მეტად ნაყოფიერი დისკუსია, რომლის დროსაც კავკასიური ფილოსოფიის მთელი რიგი პრობლემები კიდევ უფრო მეტი სიცხადით წარმოჩნდა და დაისახა ახალი კვლევითი პერსპექტივები.

კონფერენციის პროგრამა მოიცავდა შემდეგ მოხსენებებს:

ასისტენტ-პროფესორი, არქიმანდრიტი დიონისე გვიმრაძე (დოქტორანტი) - „დავით უძღველი და დავით გარეჯელი (ლეონ მელიქსეთ-ბეგის ერთი გამოკვლევის კრიტიკისათვის)“;

კონდრატე ლურნკაია (მაგისტრანტი) - „ქართულ-სომხური ფილოსოფიური ურთიერთობანი ადრეული შუა საუკუნეების ხანაში“;

ასისტენტი ბესიკ მაშავა (დოქტორანტი) - „თეოდორე აბუკურა კავკასიური ფილოსოფიის ჩრილში“;

ნიკოლოზ სამხარაძე (მაგისტრანტი) - „დავაკამათი მონოფიზიტებსა და დიოფიზიტებს შორის და მისი ფილოსოფიური კონტექსტი (არსენ კათალიკოსის ტრაქტატი „განყოფისათვის ქართლისა და სომხითისა“)“;

ასისტენტი ნიკოლოზ კოპალეიშვილი (დოქტორანტი) - „მაჰმუდ შაბესტარი (1288-1340 წწ.) და სუფისტური მოძღვრება სამხრეთ-აღმოსავლეთ კავკასიაში“.

ნიკოლოზ კოპალეიშვილი  
ქრისტიანული ფილოსოფიის მაგისტრი,  
ახალი საქართველოს უნივერსიტეტის  
კავკასიური ფილოსოფიისა და თეოლოგიის  
სამეცნიერო-კვლევითი არქივის  
ასისტენტი-მკვლევარი